



Ambasador Austrije u Cazinu



Općina Cazin u
kampanji WHO



Općina Cazin u
Projektu FARMA



Predstava '
'Ponoćna igra''



Uvodna riječ načelnika općine

Dragi sugradani

Pred Vama je novi informativni bilten općine Cazin u kome se nalazi mnoštvo zanimljivih i važnih informa-

cija u vezi općinske administracije i rada samog načelnika. U ovom broju fokus smo stavili na saradnju sa nevladinim sektorom, udruženjima na području naše općine i međunarodnim organizacijama. U skladu sa tim, koristimo priliku da pozovemo sve subjete koji egzistiraju u našem društvu, bilo da je riječ o profitnom ili neprofitnom sektoru, da se pridruže našem timu, daju svoje sugestije, primjedbe, ideje i da zajedničkim snagama od naše općine napravimo sinonim za bolji život.

Ambasador Austrije u Cazinu

Općinski načelnik sa svojim saradnicima ugostio je Nj.E. ambasadora Republike Austrije u BiH, dr. Donatusa Köcka. Ovaj susret upriličen je povodom posjete dr. Köcka USK, gdje je razgovarao sa premijerom kantona i predstavnicima nekoliko austrijskih firmi koje djeluju na našim prostorima.

Vidno iznenađen zbog razvojnih potencijala našeg kraja, posebno općine Cazin, ambasador Köck je istaknuo veliku opredjeljenost njegove matične zemlje da pomogne BiH u njenom putu ka EU. "Naša vlada ima soft-loan sporazum sa vladom BiH u vezi sa listom projekata za realizaciju na području BiH, od kojih se 2 odnose na USK. Moj je cilj uspostaviti dobre odnose i kontinuiranu komunikaciju kako bismo ostatku Evrope i svijeta slali pozitivne slike iz BiH. Također postoji tendencija jednog broja austrijskih turista da preko Hrvatske i Jadrana posjećuju i ove krajeve, ali to svakako mora biti koordinirana kampanja za organizovanje ovakvih posjeta", rekao je dr. Köck obraćajući se delegaciji općine Cazin.

Razgovaralo se i o mogućnostima stranih ulaganja u



našoj općini i neophodnosti agresivnije kampanje i olakšavanja procedura kod pokretanja biznisa na ovim prostorima.

Načelnik Ogřešević je u svom uvodnom obraćanju istaknuo razvojne potencijale naše općine, osvrćući se na prirodnu povezanost BiH sa Austrijom kroz historiju, a u današnje vrijeme kroz našu mnogobrojnu dijasporu. "Zbog svega toga mi računamo na saradnju sa Republikom Austrijom i nadamo se da će njene razvojne agencije pružiti podršku našim projektima i učestvovati u stručnom usavršavanju naših kadrova za adekvatnije postupanje prema procedurama EU i njenih fondova", istaknuo je gospodin Ogřešević. Dodao je još i nekoliko informacija o aktuelnim projektima općine Cazin sa mnogobrojnim domaćim i stranim partnerima, čime je ambasador Köck evidentirao moguće razine saradnje i pomoći našoj općini.



Načelnik razgovarao sa predstavnicima Američke ambasade

Prvi sekretar ambasade SAD-a u BiH, gospodica Vernelle Trim, boravila je u službenoj posjeti općini Cazin. Razgovarala je sa načelnikom općine i njegovim saradnicima o aktuelnoj političkoj situaciji u našem kantonu i općini. Naglasila je veliku zainteresiranost za razvoj političkih pregovora, ali i saradnju sa općinama u mnogobrojnim projektima od lokalnog značaja.

S druge strane, načelnik Ogřešević je rekao da blokada Vijeća nije u tolikoj mjeri utjecala na rad organa uprave u smislu pripremanja projekata, realizacije ranije planiranih programa i sl. "Svakako je pozitivno da se uspjela riješiti otežavajuća situacija, prouzrokovana ne funkcionisanjem Općinskog vijeća što će nas u narednom periodu učiniti još efikasnijim i organizovanijim", riječi su načelnika Ogřeševića.

Nakon sastanka, gosti su posjetili Centar za pružanje usluga građanima, realiziran u okviru GAP projekta, koji je podržala Američka agencija za međunarodni razvoj USAID, gdje se gospodica Trim upisala i u knjigu utisaka prenoseći iznimno bogate i lijepe uspomene na prvu posjetu ovom kraju.



Učenci II Srednje škole kod načelnika



Učenci završnih razreda Srednje ekonomske škole Cazin osvojili su prvu nagradu na Regionalnom sajmu omladinskih preduzeća održanom u Banja Luci. Nagradu su osvojili za najbolju kompaniju što je najznačajnija kategorija ovog takmičenja. Preduzeće pod nazivom "Trafik" vodi ekipa od 6 učenika i njihova profesorica Nerma Dedić, a o kvalitetnom programu govori činjenica da su izdvojeni kao najbolji između 70 drugih učesnika. Originalu ideju "čistača žaluzina" smislili su sami, izradili biznis plan, marketinšku kampanju, uložili početni kapital, napravili proizvod i uspjeli vratiti uloženo uz ostvarenje značajne dobiti.

Kao nagradu za uspjeh na ovom sajmu, osvojili su putovanje od 5 dana u Crnu Goru, a načelnik Ogřešević ih je tom prilikom ugostio i obećao dodatnu pomoć općine. Prema njegovim riječima ovi mladi poduzetnici su zaslužili da im se pruži prilika i stvori ambijent u kome će moći ispoljavati svoju kreativnost. "Vrlo je važno da podržavamo ovakve projekte, posebno ukoliko je riječ o mladim ljudima koji će u budućnosti stvarati preduzetničko okruženje u našoj općini", rekao je načelnik Ogřešević.

Važno je naglasiti da Projekat egzistira već 3 godine u okviru Programa omladinskog preduzetništva u BiH, a unutar same škole već postoji 8 formiranih "kompanija", što ovim mladim poduzetnicima omogućava da realiziraju svoje ideje u dosta konkurentnom okruženju.



Općina Cazin u Projektu "FARMA"

U radnoj posjeti općini Cazin 12.02.2010.godine boravio je direktor Projekta "FARMA", gospodin Bruce Brower sa svojim saradnicima. Sastanak je upriličen u kabinetu načelnika općine, kome su prisustvovali i zaposlenici Službe za razvoj i poduzetništvo, predstavnici Udruženja poljoprivrednih proizvođača i pčelara. Razgovaralo se o modalitetima i oblicima uključivanja općine u ovaj razvojni projekat koji se implementira na prostoru cijele BiH.

Projekat "FARMA" zajednički finansiraju Američka agencija za međunarodni razvoj (USAID) i Švedska međunarodna razvojna agencija (SIDA). Cilj projekta je brz, održiv i sveobuhvatan ekonomski razvoj putem pomoći bosanskohercegovačkim proizvođačima poljoprivrednih i prehrambenih proizvoda. Ukupna vrijednost projekta iznosi 14 miliona dolara, a provodi se u naredne četiri godine.

"Poljoprivreda je strateško područje naše industrije, koji se na ovim prostorima intenzivno razvija u poslijeratnom periodu. To i jeste jedan od razloga zašto svake godine ulažemo značajna sredstva u ovu oblast u vidu raznih poticaja i podrške našim poljoprivrednim proizvođačima", zaključio je u povodu ove teme načelnik Ogřešević.

Prema riječima gospodina Browera, težište ovog Projekta se temelji na 3 sektora: mljekarstvu, proizvodnji meda i ljekovitog bilja i proizvodnji voća i povrća. Tri su vrste intervencija koje Projekat ima u svojim programskim aktivnostima: grant sredstva, podugovorne odnose i mogućnost angažovanja eksperata za potrebe poljoprivrednih proizvođača, učesnika ovog Projekta.

Posebno interesantan segment aktivnosti Projekta


"FARMA", pored edukativne, tehničke, savjetodavne pomoći, organiziranja poljoprivrednih izložbi i sajмова, tržišnog povezivanja, prilagodbe EU legislativi, jeste i finansijski segment koji podrazumijeva i grant sredstva u visini 2 miliona dolara. Ova sredstva će biti dodijeljivana naprednim farmerima, malim i srednjim preduzećima iz oblasti primarne poljoprivredne i prerađivačke industrije na principu Javnog konkursa.

Predstavnice NVO "Žene sa Une" na sastanku kod načelnika

Predstavnice i aktivne članice NVO "Žene sa Une" posjetile su općinu Cazin. Svojim dolaskom su htjele skrenuti pažnju javosti na potrebu uključivanja u borbu protiv nasilja nad ženama i djecom i apelirati na predstavnike lokalnih zajednica da podrže njihov rad.

Ova NVO postoji od 1992.godine, a svrha njenog djelovanja jeste podrška reintegraciji bosanskohercegovačke žene u obiteljski život i društvenu zajednicu, na način koji će joj omogućiti ravnopravno učešće u ekonomskom, javnom i političkom životu zajednice i regije. Od 2005.godine u sastavu Udruženja egzistira i "Sigurna kuća" sa ciljem pomoći ženama i djeci koji su žrtve porodičnog nasilja. Prema riječima predstavnika ove NVO krajem prošle godine evidentirano je 146 žrtava koje su bile smještene u ovoj kući. Samim tim potvrđen je i značaj ovog projekta, kome nedostaje finansijskih sredstava za normalno funkcionisanje u budućnosti. Zbog toga nisu u mogućnosti angažirati ni stručno osoblje pa uglavnom koriste usluge Centra za socijalni rad i volonterske angažmane stručnih ljudi.

Načelnik je istaknuo neophodnost koordiniranog rada svih institucija našeg kantona u svrhu pomoći ovoj organizaciji i projektu "Sigurne kuće". "Iako je kantonalno ministarstvo preuzelo obavezu sufinansiranja ovog Udruženja, općina Cazin je spremna podržati njihov rad i na osnovu apliciranih projekata finansijski i logistički učestvovati u njihovoj realizaciji", rekao je načelnik Ogřešević prilikom razgovora sa predstavnicima NVO "Žene sa Une".




Pobjednici takmičenja iz "Demokratije"

Krajem marta u našoj općini je organizirano takmičenja iz predmeta "Demokratije", koje se već duži niz godina realizira u sklopu Civitasa BiH. Ove godine pobjedu su odnijeli učenici O.Š. "Cazin I", pod vodstvom nastavnika Amira Murića, Muhameda Seferagića i nastavnica Muhibe i Refike Šakonić. Tim povodom upriličen je i prijem kod načelnika



općine gdje se ujedno razgovaralo i o projektu izgradnje nove školske zgrade.

Učenici ove škole su načelniku Ogrješeviću uručili peticiju kojom žele skrenuti pažnju javnosti da se aktivno uključi u rješavanje prioriternih problema ove škole. Prema riječima načelnika općine peticija će svoj put pronaći prema Federalnom ministarstvu i svim nadležnim institucijama. "Naša je obaveza da pružimo maksimalnu podršku u realizaciji ovog projekta i da pokušamo privući što više novčanih sredstava iz drugih fondova, što ćemo svakako i učiniti", rekao je načelnik Ogrješević.



Sastanak sa predstavnicima Turističke zajednice USK

Sastanak načelnika Ogrješevića i predstavnika Turističke zajednice USK organiziran je na inicijativu direktorice Turističke zajednice USK, gospođe Jasminke Šuško, koja je ovom prilikom načelniku uručila Studiju turističke i urbane signalizacije naše općine. Ova Studija je izrađena u formi projekta koji je apliciran prema Federalnom ministarstvu okoliša i turizma, a sredstva će se pokušati obezbijediti i iz drugih fondova.

Općina je spremna punim kapacitetom podržati razvojne projekte u turizmu, posebno one koji se tiču općine Cazin. Istaknuto je da će u narednom periodu biti intenzivirana saradnja između lokalne zajednice i turističkih djelatnika kako bi se adekvatno pripremala turistička ponuda općine Cazin i okolnih područja.

Načelnik Ogrješević je ovom prilikom naglasio da je spreman raditi na kvalitetnim projektima i pružiti finansijsku podršku u skladu sa mogućnostima naše općine, ali da većina inicijativa treba da dolazi iz Turističke zajednice. "Moramo intenzivnije djelovati u kreiranju ambijenta koji će privlačiti turiste na područje USK i općine Cazin posebno. U tu svrhu predlažem da se više faktora angažuje na

ovakvim i sličnim projektima, jer samo na takav način možemo očekivati pozitivne efekte", riječi su načelnika Ogrješevića.





Predstavnik BH MAC-a posjetio načelnika

U kabinetu načelnika općine održan je sastanak sa Šefom regionalnog ureda BHMAC-a Bihać, gospodinom Aladinom Bajraktarevićem. Riječ je o razgovorima u vezi sa deminiranjem i obezbjeđenjem namjenskih sredstava za plansko uklanjanje mina na teritoriji općine Cazin.

U razgovorima smo saznali da naša općina ima najmanji stepen ugroženosti u odnosu na okolne općine. Sumnjive površine na postojanje mina i MES-a na prostoru općine Cazin ima oko 2 miliona m², a u periodu od rata do danas, na ovim prostorima je očišćeno 196 hiljada m² i uklonjeno 75 minsko-eksplozivnih sredstava.

BHMAC kao Centar za uklanjanje mina djeluje u okviru Ministarstva civilnih poslova BiH i Komisije za deminiranje kroz regionalne urede, a finansira se sredstvima Vlade BiH. BHMAC vrši stručni nadzor nad provođenjem deminerskih zadataka. U sklopu stručnog nadzora vrši se uzorkovanje u cilju potvrđivanja kvaliteta te izdavanja Uvjerjenja o izvršenoj kontroli kvaliteta. Njihov primarni zadatak je sprovođenje politike deminiranja za BiH koja se ogleda u izviđanju i obilježavanju sumnjivih područja i izradi projektnih zadataka za deminiranje. Očišćene površine i objekti se preuzimaju od izvođača i predaju na upotrebu krajnjim korisnicima.

Sredstva za deminiranje teritorije BiH do sada su obezbjeđivali strani donatori, ali će u narednom periodu ova obaveza preći u nadležnost lokalnih vlasti uz podršku stranih donatora.

Iz ovog razloga općina Cazin je podržala projekte regionalnog ureda BHMAC-a za općinu Cazin i nastojeće strateškim dokumentom planirati dugoročno rješavanje ovog problema preko Službe za civilnu i protivpožarnu zaštitu. Na kraju je načelnik Ogrišević je istaknuo važnost podrške ovakvim projektima, jer su oni garant sigurnosti građana naše općine i razvoja njene privrede.

II U organu uprave

USPOSTAVLJENA PARTNERSKA GRUPA ZA IZRADU STRATEGIJE INTEGRISANOG LOKALNOG RAZVOJA OPŠTINE CAZIN

Uspostavljanjem Partnerske grupe za planiranje lokalnog razvoja na njenom inicijalnom sastanku održanom 27.01.2010. u prostorijama J.U. Doma kulture u Cazinu zvanično je otpočeo proces revizije Strategije integrisanog lokalnog razvoja u Općini Cazin. Sastanku je prisustvovalo oko četrdeset predstavnika iz privatnog, javnog i civilnog sektora općine.

U svom uvodnom obraćanju članovima Partnerske grupe načelnik općine Cazin gospodin Nermin Ogrišević je naglasio značaj učešća lokalne zajednice u procesu revizije strategije razvoja, te izrazio očekivanje da će u narednom periodu članovi Partnerske grupe svojim idejama, prijedlozima i sugestijama doprinijeti u definisanju razvojnih pravaca i prioriteta općine.

Tokom sastanka članovi Partnerske grupe su detaljnije upoznati sa predstojećim procesom planiranja prema standardizovanoj metodologiji za integrisano planiranje lokalnog razvoja (miPRO), te posebno o ulozi Partnerske grupe u ovom procesu.

Uspostavljanje Partnerske grupe je ozvaničeno potpisivanjem izjave o partnerstvu članova Partnerske grupe i Općine Cazin, nakon čega je izabrano rukovodstvo Partnerske grupe. Za predsjednika je izabran Mirhad Pjanić iz okolišnog sektora, dok su za podpredsjednike izabrani Sehija Omerčević iz privrednog sektora i Mirsad Kaljković iz društvenog sektora.

Posebno je značajno istaći da će partnerstvo u ovom procesu ostati otvoreno za sve građane koji smatraju da bi svojim učešćem mogli doprinijeti izradi kvalitetne strategije razvoja Općine Cazin. Za više informacija zainteresovani se mogu obratiti Suadu Rošiću koordinatoru Općinskog razvojnog tima lično (zgrada Općine) ili putem telefona 037/514-006 kao i na e-mail: op.cazin@bih.net.ba.

Proces revizije strategije integrisanog lokalnog razvoja odvija se u okviru Projekta integrisanog lokalnog razvoja (ILDP). ILDP predstavlja zajedničku inicijativu Švajcarske agencije za razvoj i saradnju i Razvojnog programa Ujedinjenih nacija (UNDP), a provodi se u saradnji sa Ministarstvom za ljudska prava i izbjeglice BiH, Ministarstvom uprave i lokalne samouprave RS, Federalnim ministarstvom pravde, savezima opština i gradova u oba entiteta te 24 partnerske općine širom BiH.



Općina Cazin prva u FBiH po broju upisa u Registar

U martu 2010. godine konsultantski tim na Projektu registra poljoprivrednih gazdinstava i klijenata ispred Federalnog ministarstva poljoprivrede, vodoprivrede i šumarstva boravio je u općini Cazin. Svrha ovog sastanka je monitoring provedbe Projekta na teritoriji naše općine. U okviru ovog projekta finansiranog od strane Svjetske banke, općina Cazin je dobila i računarsku opremu za nadležnu Službu.

Riječ je o projektu koji se realizira na državnom nivou i jedan je od prvih koraka za reformu poljoprivrede. Ona, među ostalim, podrazumijeva izradu kvalitetnije baze podataka s ciljem definiranja smjernica razvoja poljoprivrede. Sistem registracije i održavanja podataka je usklađen na cijelom teritoriju BiH i mora zadovoljiti zahtjeve Evropske unije.

Inače, upisom u Registar poljoprivrednih gospodarstava/gazdinstava evidentiraju se ljudski potencijali, zemljište i životinje, dok se Registar klijenata odnosi na osobe koje, iako ne obrađuju zemljište ili nemaju stoku, imaju pravo na podršku iz ruralnoga razvoja. Slijedeća faza ovog projekta je uspostava informacione aplikacije kojoj će naša Služba pristupati direktno putem web-a. Neposredno prije toga vršiće se obuka odgovornih službenika u kojoj će učestvovati i resorna kantonalna ministarstva.

Na sastanku je pohvaljen dosadašnji rezultat rada općine Cazin i Službe za razvoj i poduzetništvo, jer smo trenutno na prvom mjestu u FBiH prema broju upisa u Registar poljoprivrednih gazdinstava. To pokazuje organiziranost i efikasnost rada službenika koji učestvuju u realizaciji ovog projekta.

Sastanku je prisustvovao i načelnik Ogřešević koji se osvrnuo na značaj poljoprivredne proizvodnje u našoj općini, kontinuirana izdvajanja u svrhu poticaja po raznim osnovama proizvodnje, uzgoja i sl. "Time pokazujemo da smo općina koja je strateški opredjeljena unapređivati svoju poljoprivrednu proizvodnju i spremna ulagati u jačanje ovog sektora privrede, koji uzima značajan udio u stvaranju dobara na ovim prostorima", riječi su načelnika Ogřeševića.





Svečana sjednica Štaba civilne zaštite

U prostorijama vijećnice općine Cazin 05.03.2010. godine održana je svečana sjednica Štaba civilne zaštite. Ova sjednica se održava svake godine u povodu 1. marta, koji se obilježava kao Svjetski dan civilne zaštite. Tim povodom je načelnik štaba podnio referat o značaju civilne zaštite u svijetu, a samim time i u BiH.

“Poslijeratni razvoj civilne zaštite u BiH ima dvije faze. Prva se odnosi na period od 1996. do 2003. godine u kojoj nije postojala jasna zakonska regulativa za ovu oblast. Druga faza se odnosi na vrijeme od 2003. godine pa do danas, kada se desilo izdvajanje Civilne zaštite iz okvira Federalnog ministarstva odbrane u posebnu oblast i donošenje zakonske regulative koja je jasno odredila ovo područje”, istakao je u svom referatu načelnik štaba gospodin Said Mujić.

Značaj civilne zaštite se ogleda u zaštiti prvenstveno ljudi, ali i okoliša i imovine, uključujući kulturnu baštinu, u slučajevima velikih katastrofa, tj. prirodnih,

tehnoloških, radioloških ili ataka na okoliš unutar i izvan društvene zajednice. U svemu tome se naravno



Stranke zadovoljne uslugama radnika Šalter sale



U drugom polugodištu 2009.godine u Šalter sali općine Cazin usluge je zatražilo 32.030 stranaka. Prosječan broj stranaka dnevno je iznosio 248, a prema evidenciji Info pulta najveći broj stranaka usluge je tražio ponedjeljkom. Posmatrano po mjesecima, najveći broj stranaka je zabilježen u novembru 2009.godine, a najmanji u oktobru.

Utvrđeno je da svakih sat vremena službenike Šalter sale posjeti 31 stranka, čime su evidentirane samo one usluge koje su prolazile kroz "red sistem", dok se evidencije ne odnose na zaposlenike organa uprave niti posjete u Centru za izdavanje dozvola.

Najveći broj usluga građanima naše općine službenici rešavaju u periodu od 8^{oo} do 13^{oo}h, dok je najveća frekvencija posjeta u periodu od 9^{oo} do 10^{oo}h. Obuhvaćene infomacije pokazuju da se broj usluga organa uprave značajno povećao u odnosu na prethodni period, ali kvalitet i brzina usluge se realiziraju skoro u 100% procentu. Stranke se vrlo kratko zadržavaju na šalterima Centra za pružanje usluga i na sve zahtjeve se odgovara u zakonski predviđenom roku.

ne zaboravlja ni doprinos pojedinaca koji svojim hrabrim i nesebičnim zalaganjem učestvuju u očuvanju života ili imovine. Zbog toga su i ove godine dodijeljene pohvale za uloženi trud, zalaganje i ostvarene rezultate u zaštiti i spašavanju ljudi i materijalnih dobara od prirodnih i drugih nesreća MZ Pjanići, Timu za uklanjanje NUS-a FU CZ- "A tim", Toromanović Izetu uposleniku OVJ, Begić Muji uposleniku JKP "Čistoća", Hirkić Bajri povjereniku CZ MZ Donja Koprivna, Alijagić Mirsadu povjereniku CZ MZ Stijena i Nuhic Suadu uposleniku RTV Cazin. Ove godine je dodijeljena i jedna nagrada Federalnog šaba civilne zaštite, a pripala je Mujakić Safetu.

Sjednici je prisustvovao i načelnik općine Cazin, gospodin Nermin Ogršević koji se u svom obraćanju osvrnuo na veliki značaj civilne zaštite u slučajevima vremenskih katastrofa.

"Očigledan primjer za neophodnost ulaganja u ovaj sektor vidimo i u svakodnevnim potresima, olujama, poplavama i sl. koje su ove godine uveliko zadesile našu planetu. Zbog toga smatram da je vrlo važno da budemo spremni odgovoriti bilo kakvim izazovima u cilju očuvanja ljudi, imovine i naše okoline", naglasio je načelnik Ogršević u svom obraćanju.

Općina Cazin i dalje najveći proizvođač mlijeka

Prema podacima kompanije MEGGLE d.o.o. Bihać, sa područja općine Cazin u protekloj godini je otkupljeno 8.265.287 litara mlijeka. U poređenju sa drugim općinama USK kantona, općina Cazin i dalje proizvodi najveće i ujedno najkvalitetnije količine mlijeka. Broj kooperanata koji prodaju mlijeko ovoj kompaniji iznosi 1.287 i povećava se iz godine u godinu.

Zbog važnosti ove grane poljoprivrede općina je u saradnji sa kantonalnim Poljoprivrednim zavodom organizirala i obuku proizvođača mlijeka kroz Projekat "IFAD-IV", a obuhvaćeni su gotovo svi držaoci laktofriz mjesta na području općine Cazin. Nakon ove obuke polaznici su dobili Certifikate da mogu samostalno uzimati uzorke mlijeka u skladu sa novim Pravilnikom o kontroli sirovog kravljeg mlijeka u lancu organiziranog otkupa putem kompanije Meggle.

Pored navedene kompanije na području općine otkup sirovog kravljeg mlijeka obavlja i SMZ "Krajina mlijeko" Cazin. Prema podacima otkupljivača u 2009. godini otkupljeno je 461.142 litre mlijeka ekstra klase sa 3,79 % mm i 3,31 % proteina, što je potvrđeno od strane prerađivača navedenog mlijeka Mljekare Kozarska Dubica.

Da općina Cazin vodi brigu o svojim poljoprivrednim proizvođačima govori i podatak da je u svrhu subvencioniranja troškova proizvedenih količina kravljeg mlijeka i participacije za mliječne kartone u 2009.godini iz budžeta izdvojeno oko 120.000,00 KM.

Ovaj trend poticaja i podrške proizvođačima mlijeka općina planira nastaviti i u 2010.godini.

Međunarodni dan Down sindroma u općini Cazin



Internacionalna Down sindrom organizacija zvanično je proglasila 21. mart Svjetskim danom Down sindroma. Ovaj dan je izabran kako bi se označila jedinstvenost Down sindroma kroz trizomiju na 21. paru hromosoma i koristi se kao sinonim za Down sindrom. Svjetski dan Down Sy prvi je put obilježen u Singapuru 2006. godine, a mnoge organizacije širom svijeta su se pridružile ovoj proslavi kroz razne događaje i aktivnosti. Cilj obilježavanja ovog dana je buđenje svijesti spram ove populacije i uvažavanje različitosti.

Slično je bilo i u Udruženju "I naša djeca su djeca" općine Cazin koje već nekoliko godina obilježava ovaj dan i time pokušava skrenuti pažnju javnosti na obaveznu sudjelovanja u kreiranju bolje i sretnije svakodnevnice ove populacije. "Istovremeno, bitno je zastupati provođenje normi i pravila mjerodavnih službi i politike kako bi se osigurala participacija osoba sa sindromom Down u odgovarajuće društveno okruženje što će unaprijediti njihov razvitak na bazi ravnopravnosti", rekao je predsjednik Udruženja, gospodin Refik Samardžić u svom uvodnom obraćanju.

Proslavi je prisustvovao i načelnik Ogrješević, koji je obećao punu podršku općine u realizaciji programskih planova ovog Udruženja i njegovih članova. Prema riječima načelnika, uspostavljena saradnja između općine i predstavnika Udruženja nastavlja se i kroz buduće projekte u kojima učestvuju ovi mališani. "U tu svrhu želim naglasiti značaj uključenja lokalne zajednice i ostalih aktivnih subjekata našeg društva u borbi za ovu djecu, za njihova prava i njihov bolji položaj. Potreba nam je, a i želja, obezbijediti sigurnu sredinu, oslobođenu predrasuda, kako bi i ova djeca bila ravnopravni članovi našeg društva. Općina Cazin je zbog toga predvidjela povećanje izdvajanja iz budžeta za djecu sa smanje-

nim psihofizičkim sposobnostima sa 15 na 25.000,00 KM u ovoj godini. Iskreno se nadamo da će godine pred nama doprinijeti povećanju trenda pomoći ovoj kategoriji stanovništva općine Cazin i da ćemo ujediniti snage u borbi za njihovo bolje sutra. Želim Vam svima sretnu i uspješnu budućnost", istaknuo je načelnik Ogrješević obraćajući se prisutnima.

Svečanost je obilježen a muzičko-zabavnim tačkama koje su mališani izveli za svoje goste i drage prijatelje.



Promovisan ekološki časopis

U Gradskoj galeriji Bihaća promovisan je prvi ekološki časopis USK pod nazivom "Kontakt" u izdavaštvu Ekološke koalicije Unskog sliva (EKUS).

Cilj ovog časopisa je podizanje svijesti stanovništva o zaštiti okoliša, vodosnabdijevanju i odvodnji otpadnih voda te upravljanju čvrstim otpadom. Projekat je podržalo šest općina iz sliva rijeke Une (Cazin, Bihać, Bosanka Krupa, Bužim, Bosanska Dubica i Drvar), inače partneri u projektu GOV-WADE, koji ima za cilj dobru upravu u oblasti voda i zaštite okoliša, jačanje i razvijanje civilnog društva te uspostavljanje kvalitetnijih odnosa s lokalnim vlastima. Ovaj projekat finansira Švicarska agencija za razvoj i saradnju u BiH, a pokretanje ovog časopisa je samo još jedan korak u implementaciji istog.

"Kvalitetna dvosmjerna komunikacija između općine, javnih preduzeća i korisnika njihovih usluga je od presudne važnosti za efikasniji i kvalitetniji rad ovih institucija. U konačnici, važno je upostaviti veći stepen povjerenja i zadovoljstva građana pruženim uslugama", rekao je načelnik Ogrješević u povodu promocije ovog časopisa. Pored ostalog istaknuo je i opredjeljenost općine Cazin da kroz ovakve i slične aktivnosti radi na većoj promociji ideja i realiziranih projekata na području naše općine. "Drago mi je da smo bili u prilici i na ovaj način dati svoj doprinos povećanju



stepena odgovornosti ljudi prema sredini u kojoj žive", dodao je gospodin Ogrješević.

Prema mišljenju glavne i odgovorne urednice, Vildane Alibabić, časopis bi trebao da osigura prostor javnim preduzećima da iznesu svoj način rada i poteškoće sa kojima se susreću, a ujedno da omogući i građanima da kažu svoju stranu priče.

IV Kolegij načelnika USK

Četvrti kolegij načelnika USK održan 15. aprila u općini Bosanka Krupa. Okupljanje čelnika krajiških općina postalo je redovna praksa koja je rezultirala nekim zajedničkim akcijama i nastupima na terenu. Ovom sastanku nije prisustvovao jedino načelnik općine Velika Kladuša, ali je svoj izostanak opravdao ranije preuzetim obavezama.



Sastanku su, između ostalih, prisustvovali i predstavnici Švicarske agencije za razvoj i UNA Consultinga iz Bihaća. Tretirana su pitanja otpada, regionalne deponije, prihodi od šuma, uvođenje trezorskog poslovanja i mnoga druga. Akcenat je stavljen na problem odlaganja otpada koji najviše pogađa općine ovog područja i njihovo stanovništvo. Dogovorili su se da formiraju zajednički tim koji će u nastavku sa predstavnicima konsultantske kuće UNA Consulting raditi na pripremi materijala i zakonskih propisa iz ove oblasti. Uputiće i dopis kantonalnim institucijama da se hitno uključe u rješavanje ovog problema.

Rezultat ovog sastanka je i inicijativa koju će uputiti prema kantonalnoj Vladi u vezi povrata sredstava općinama ostvarenih na osnovu prihoda od šuma. "Općina Bosanski Petrovac je domaćin narednog susreta načelnika općina USK.

Poplave u kazinskim naseljima

Posljedice obilnih padavina na području općine Cazin bile su vidljive u nekoliko naselja više mjesnih zajednica. To je i bio povod da općinski načelnik posjeti ugrožena područja sa predstavnicima nadležnih službi i JP-a. 'Posebno je bilo kritično u naselju Begove Kafane, koje se nalazi u MZ Ćoralici. Prema onom što se vidjelo na licu mjesta, može se reći da su i same kuće ugrožene, a određen broj pomoćnih objekata je već pod vodom.

“Pripadnici Službe za civilnu i protivpožarnu zaštitu su na terenu, pratit ćemo kretanje i reagirat tamo gdje ljudi i imovina budu ugroženi. U perspektivi će se morati uraditi značajni zahvati u oblasti regulacije vodotoka, a određeni projekti su već u pripremi za realizaciju. Međutim, u ovakvim situacijama možemo samo interventno djelovati”, rekao je načelnik Ogrješević prilikom razgovora sa mještanima Begovih Kafana. Naglasio je da su u proteklom periodu urađeni veliki i značajni zahvati na lokalitetima Slatinske bare i u području rijeke Toplice koja pripada MZ Tr. Raštela, što je već dalo rezultate i ublažilo posljedice ovakvih i sličnih vanrednih situacija.

U okviru ovog obilaska posjećene su i MZ Pjanići i Mutnik, gdje su također velike površine zemljišta bile



pod vodom. U toku dana nivo vode je bio u opadanju, a mještani su se nadali da padavine neće potrajati. Budućnost bi za njih trebala donijeti više projekata u ovoj oblasti, u koje će se uključiti nadležni sa svih nivoa, jer se radi o građevinski zahtjevnim i finansijski skupim projektima.

Važno je napomenuti da općinska Služba civilne zaštite radi sve što je u njenoj moći da pomogne ugroženim osobama i materijalnim dobrima i stoji na raspolaganju za svaki vid neophodne pomoći.



Završena škola pčelarstva

Cazinsko Udruženje pčelara „Kesten“ u svojim je prostorijama organiziralo malu svečanost povodom uspješnog završetka škole pčelarstva. Projekat je predvidio 110 sati nastave, od čega 26 sati teoretskog dijela i 84 sata praktičnog. Školu je uspješno završilo 28 polaznika, a cjelokupan program je podržala općina Cazin.

Predsjednik Udruženja, g-din Sead Mesić, u uvodnom izlaganju se osvrnuo na sam tok škole pčelarstva i zahvalio svima koji su doprinijeli njenoj realizaciji, a u ime općinskog načelnika prisutnima se obratio savjetnik Hamdija Ljubijankić. Prema njegovim riječima: “Udruženje pčelara “Kesten” se pokazalo kao ozbiljno i profesionalno u svom sistematskom pristupu i radu, tako da je općinski načelnik sa zadovoljstvom podržao ovaj projekat.” On smatra da još uvijek ima neiskorištenih resursa na ovom polju, ali da uz zajednički, stručan i planski pristup možemo doprinijeti kvalitetnijem iskorištavanju potencijala kojim obilato raspolažemo na području naše općine. “Podrška općine i ubuduće je neupitna kada su u pitanju ovakvi i slični projekti”, rekao je gospodin Ljubijankić.

Važno je naglasiti da je zapaženo učešće velikog broja mladih ljudi, ali i nekolicine djevojaka, što ovom cijelom projektu daje posebnu vrijednost. U ovim teškim vremenima ekonomske krize i nezaposlenosti, nije nemoguće u ovakvim projektima tražiti šansu za ostvarenje egzistencije. U tom kontekstu vrijednost Projekta je još značajnija, tim prije što je svaki polaznik dobio na poklon tri košnice, kao inicijalnu pomoć na početku samostalnog bavljenja pčelarstvom.



Humanost na djelu

Nakon požara koji se desio u MZ Mutnik, općinski načelnik posjetio je porodicu Ramiza Harbaša, kojoj je u ovom nemilom događaju potpuno izgorjela porodična kuća. Inače porodicu Harbaš čini bračni par i njihovo dvoje maloljetne djece (13 i 15 godina), a s njima u zajednici živi i Ramizov brat. Radi se o porodici koja je i prije ovog događaja bila na listi prioriteta za izgradnju nove stambene jedinice. Zajedno sa načelnikom na licu mjesta bili su i predstavnici tri humanitarne organizacije koje djeluju na području naše općine (Merhamet, Crveni križ i Srce Cazina), koje su pružile pomoć u osnovnim potrepsčinama i iskazale namjeru učešća u akciji izgradnje nove porodične kuće za porodicu Harbaš.

Načelnik Ogršević je naglasio da se u dva dana nakon požara interventno djelovalo sa najpotrebnijim stvarima i dodao da je naš cilj iskazati riječi podrške ovoj porodici, ali i obezbijediti im krov nad glavom u toku godine. "Ramizu je kao demobilisanom borcu već ranije dodijeljena parcela za kuću i stvorene su realne pretpostavke za realizaciju projekta izgradnje nove kuće. Raduje me iskazana humanost u ovim teškim momentima što je pokazatelj da ova porodica nije prepuštena samoj

sebi", riječi su načelnika Ogrševića.

Ramiz Harbaš se zahvalio na iskrenoj podršci i pruženoj pomoći, a ovaj skromni čovjek, demobilisani borac, ujedno je i dokazani humanista kao višestruki davalac krvi. **Svi zainteresovani svojom pomoću mogu pružiti uplatom na žiro račun MZ Mutnik br: 3389002208156025 otvoren kod UniCredit banke d.d. Mostar, sa naznakom za porodicu Ramiza Harbaša.**



Općina Cazin u kampanji "1000

Općina Cazin je ove godine dobila i zvaničnu potvrdu Svjetske zdravstvene organizacije (WHO) za uključenje u kampanju pod nazivom "1000 gradova, 1000 života", s ciljem obilježavanja Svjetskog dana zdravlja.

Kampanja je nastojala da obezbijedi dinamičnu platformu za javnost koja će demonstrirati snagu zajedničkog djelovanja zdravstvenih institucija i ostalih subjekata civilnog društva u poboljšanju zdravlja gradova i građana kroz urbane politike i aktivnosti. Kampanja je također nastojala proširiti debatu između lidera i individua u svrhu promjene ponašanja u globaliziranom sistemu urbanizacije koji ima i negativne utjecaje na naše zdravlje. Prema mišljenju WHO važno je da prepoznamo okolišne, socijalne i političke faktore koji mogu utjecati na naš zdravstveni sistem. To uključuje vode i kanalizaciju, kvalitet zraka, životne i radne uslove, pristup uslugama i resursima itd.

Kampanja "1000 gradova" označava poziv koji se upućuje svjetskoj javnosti da preuzme obavezu sudjelovanja u podizanju kvaliteta našeg zdravlja, bilo da je riječ o pojedincima ili o onima koji donose odluke. Drugi dio ove kampanje, "1000 života", upućuje na inspiraciju koju možemo vidjeti kroz primjere onih koji su već dali svoj doprinos u zaštiti čovjekovog zdravlja i njegove okoline.

U tu svrhu održan je i sastanak sa direktorima srednjih škola, predstavnicima MUP-a općine Cazin, nevladinih udruženja, Sportskog saveza i Doma kul-

ture na kome se dogovorio Program obilježavanja 7. aprila-Svjetskog dana zdravlja. Sastanak je organiziran na inicijativu općine Cazin i općinskog načelnika, a u cilju definisanja koraka za dugoročnu strategiju borbe protiv određenih vrsta poštasti u našem društvu. Utvrđen je trodnevni plan obilježavanja ovog

datuma za 2010. godinu, u okviru kojeg se organizirao određen broj manifestacija kulturnog, sportskog i zabavnog karaktera. Svaka od planiranih aktivnosti odvijala se pod svojstvenom maksimumom, sa ciljem da se skrene pažnja javnosti na potrebe očuvanja zdravlja i životne sredine, konzumiranje zdrave ishrane, pomoći mladim ljudima da izaberu zdrav način života i sl.

Program manifestacije započeo je uličnom trkom pod nazivom "Sportom do zdravlja". Trka je planirana kao prvobitna aktivnost 1.300 gradova širom svijeta uključenih u ovu kampanju koji su svoje programe započeli sportskim dešavanjima i na sat vremena zaustavili saobraćaj u gradskim sredinama. Cilj je bio potaknuti javnost na neophodnost zaštite životne sredine i sve veći stepen zagađenja, posebno u gradovima.

Program je nastavljen okruglim stolom na temu "Prevenција alkoholizma i drugih oblika ovisnosti kod omladine". Općina Cazin je ovu aktivnost realizirala u saradnji sa Udruženjem oboljelih od malignih oboljenja i srednjim školama na području naše općine. Predavanje je bilo interaktivnog karaktera, a za njegovu realizaciju zaslužan je dr. Senad Selimović. O važnosti iskrenih i otvorenih razgovora sa mladim



cities, 1000 lives”

naraštajima u našoj zajednici govori i činjenica da je sesija trajala dvostruko više vremena od predviđenog. Učenici su na kraju predavanja imali priliku postavljati pitanja dr.Selimoviću, ali i načelniku općine. Vodila se vrlo živa i vrlo zanimljiva diskusija, neobična, ali svakako pohvalna za ovaj uzrast učenika.

Predstava “Aj, Carmela” Sarajevskog ratnog teatra je bila centralna manifestacija Programa koji je općina Cazin pripremila u povodu obilježavanja 7.aprila-Svjetskog dana zdravlja.

Narednih dana su se odvijale akcije čišćenja i uređenja školskih dvorišta pod nazivom “eko-sat”, malonogometni turnir učenika srednjih škola, prezentacija vještina školskih sekcija prve pomoći itd. Program je završen promocijom zdrave hrane i predavanjem profesorice Vildane Alibabić o izboru zdravih prehrambenih navika stanovnika



ostalog dodao: “Možemo biti zadovoljni realizacijom programa obilježavanja Svjetskog dana zdravlja i nadamo se da planovi neće ostati samo na tri dana planiranih aktivnosti, nego da ćemo se i u narednom periodu posvetiti očuvanju našeg zdravlja i naše okoline.”

Nagrade i priznanja uručena su za osvojena po tri prva mjesta u svim aktivnostima. Prva mjesta ulične trke osvojili su u svojim kategorijama Tahirović Amel i Kličić Sabina, oboje iz I Srednje škole, dok je pobjednik turnira srednjih škola u malom nogometu ekipa Medrese “Džemaludin Čaušević”. Prvo mjesto za najuređenije dvorište u okviru aktivnosti “eko sata” osvojila je OŠ “Liskovac”, a od srednjih škola Medresa “Džemaludin Čaušević”. Za prezentirane vještine u pružanju prve pomoći sekcijama “I Srednje škole”, “Gimnazije” i OŠ “Cazin II” uručene su torbe prve pomoći, kao nagrade za nesebičan doprinos ovoj manifestaciji.

Važno je napomenuti da je naša općina pored Sarajeva jedini grad iz BiH koji je učestvovao u ovoj internacionalnoj kampanji.



našeg područja.

Na kraju manifestacije su uručena priznanja i nagrade učesnicima takmičarskih dijelova Programa. U ime općinskog načelnika manifestaciju je zatvorio Hasan Salkić, Pomoćnik načelnika Službe za opću upravu i društvene djelatnosti, koji je između



Predstava "Ponoćna igra" u Cazinu

Dom kulture općine Cazin aktivno radi na ponudi kulturnih dešavanja za 2010.godinu pa je tim povodom upriličeno gostovanje Narodnog pozorišta iz Sarajeva sa predstavom "Ponoćna igra". Riječ je o drami koju režira Gradimir Gojer, prema tekstu Dubravka Jelačića Bužimskog. Izvrstan glumački dvojac, Izudina Bajrovića i Medihe Musliović, garantuje nesvakidašnji užitek u predstavi koja je premijerno izvedena 08.maja prošle godine na maloj sceni "En face" Narodnog pozorišta u Sarajevu.



Smjestivši radnju predstave Ponoćna igra u intiman ambijent, nadohvat ruke gledateljima, Gradimir Gojer povezo je događanja na sceni i publiku, stvarajući tako nesvakidašnju interakciju u kojoj je sve jedna velika predstava.

Ponoćna igra je priča o dvoje glumaca koji uoči premijere posljednji put, sami, u večernjim satima, "na daskama koje život znače", prolaze tekst drame koju će zaigrati. U toj drami pjesnik Vladimir Vidrić udvara djevojci Sali, a postupno se taj senzibilitet prenosi na privatni život glumaca. Njihovo zbližavanje potaknuto je zbivanjima unutar drame, koje se intenzivira sve više u toku tog neobičnog pokusa. Na površinu izbijaju novi, do tad prikriveni osjećaji...



U okviru ove posjete upriličen je i susret načelnika Ogrješevića i gospodina Bajrovića. Posjeta je uslijedila nakon predstave koju je prvak drame Narodnog pozorišta odigrao pred više od 300 oduševljenih Cazinjana. "Izudin Bajrović je jedno od dragih lica sa naših TV ekrana, jedan od vrhunskih glumaca naše filmske i pozorišne scene i zato nam je izuzetna čast i zadovoljstvo što smo imali priliku ugostiti ovu kamernu predstavu i u našoj općini. Iskreno se nadam se će uspostavljeni kontakti realizirati plodnom saradnjom u budućnosti. Sa velikim veseljem očekujemo naredne projekte koje ćemo realizirati uz pomoć Narodnog pozorišta iz Sarajeva", riječi su načelnika Ogrješevića.

Ova predstava je samo jedno od gostovanja Narodnog pozorišta planiranih za 2010.godinu u našoj općini. Organizirana je sa željom da nova godina započne sa kvalitetnim i dostupnim programima kulturnih dešavanja.

Gospodin Bajrović je naglasio potrebu približavanja ovakvih i sličnih sadržaja građanima naše države, bez obzira koliko daleko se nalazili u odnosu na Sarajevo. Zbog toga, ističe, da mu je izuzetna čast što je "Ponoćna igra" prvo posjetila općinu Cazin kada je u pitanju USK.



Izložba keramičkog nakita

Općina Cazin i Dom kulture su povodom 8.marta organizirali izložbu keramičkog nakita Halide Emrić. Ova umjetnica rođena je 1965. godine u Bihaću. 2006. godine osnovala je studio za izradu umjetničke keramike SerhatArt. Od 2006. do 2009. godine usavršavala je znanje na privatnoj školi keramike Tapiker u Zagrebu. Do sada je izlagala na 22 samostalne i sedam zajedničkih izložbi u Bosni i Hercegovini. Izlagala je, između ostalog, u Sarajevu, Kuršumli medresi, Tešnju, Travniku, Gračanici, Gradačcu, Goraždu, Vitezu, Kaknju, Zvorniku, Tuzli i svih sedam gradova Unsko-sanskog kantona. Osim toga, svojim radovima predstavila se i u Sloveniji – u Ljubljani i Kopru.

Halida Emrić oblikuje unikatni nakit velikih umjetničkih vrijednosti. Svoju kreativnu energiju u oblikovanju nakita usmjerila je na savremene i moderne forme, ali uvijek tražeći čvrsto tlo i poticaj svojoj inspiraciji u humusu bosanskom i kulturi ovog podneblja. Zahvat njenih istraživanja kulture Bosne od drevnih Japoda do danas je velik, ali za nju od velike koristi, jer u moderne forme svojih kreacija uvijek utisne poneku crtu, tačku, zarez ili plohu koje su primjenjivali njeni davni preci. Halida virtuožno oblikuje forme zapaženom vještinom skladnog korištenja glazura i u trećem paljenju dodavanjem efekata zlata ovim kolekcijama daje naročitu ekskluzivnost.

Izložba je bila prodajnog karaktera, a označila je priliku da povodom Dana žena svojim najdražima poklonimo nešto neobično, nesvakidašnje, interesantno i iznimno lijepo.



Održana Skupština SS općine Cazin



U velikoj sali Doma kulture održana je redovna godišnja skupština Sportskog saveza općine Cazin, koja je imala izborni karakter. Naime, ovo je bila prilika da se napravi osvrt na protekli period rada ove sportske institucije i izabere rukovodstvo za naredni mandat.



Na samom početku prisutnima se obratio i načelnik Nermin Ogršević, koji je naglasio opredjeljenje općine za kontinuiranim unapređenjem kvaliteta sporta na području općine Cazin, što pokazuju izdvajanja iz budžeta u tu svrhu. "Mislim da možemo biti zadovoljni sportskim rezultatima u protekle četiri godine, ali i pozitivnim finansijskim pokazateljima SS i sportskih kolektiva. Nadam se da će budućnost donijeti jačanje sporta u našoj općini u organizacionom i finansijskom smislu", rekao je u svom obraćanju načelnik općine.

Prisutnima su se obratili i predsjednik SS USK-a Damir Jukić i generalni sekretar SS USK-a Hasan Hromadžić, koji su izrazili svoje zadovoljstvo stanjem u sportu na području općine Cazin. Također su naglasili važnost dobro uspostavljene saradnje i koordinacije sa predstavnicima SS općine Cazin, čime se postigao značajan napredak u odnosu na prethodne periode.

Verifikovani su mandati delegata, kao i poslovnik o radu i pristup dva nova člana SS Cazin. Razmatran je i izvještaj o radu i finansijski izvještaj, koji su jednoglasno usvojeni. Zbog kratkog prekida u napajanju el. energijom, članovi Skupštine su se preselili iz Doma kulture u Vijećnicu, nakon čega se pristupilo izboru devet članova Izvršnog odbora. U narednom četvorogodišnjem mandatu članove ovog tijela će predstavljati: Dautović Emir, Čehajić Ramo, Durić Irfan, Prošić Elvis, Misaljević Mirsad, Misaljević Hussein, Selimović Asim, Abdagić Sidik i Mehagić Alija. Novi stari predsjednik SS je gospodin Emir Dautović, kao jedini predloženi kandidat.

Izabran je i Nadzorni odbor i predstavnici Cazina u kantonalnom SS. Na samom kraju razmatran je Program rada sa finansijskim planom za 2010. godinu, koji je jednoglasno usvojen. Skupština je dala punu podršku IO u nastavku daljih organizacijskih unapređenja, a posebno u vezi sa uvođenjem finansijske discipline među članicama.



Sportska oprema za područne škole

Društvo pedagoga tjelesne kulture je prije nekoliko godina pokrenulo akciju doniranja sportske opreme za škole na području naše općine. Ovoj akciji se priključio i Sportski savez koji pruža finansijsku podršku projektu. Prošle godine je završena akcija u svim srednjim i osnovnim školama, a ove godine se nastavila preko 24 područne škole, uključujući i razred djece sa posebnim potrebama O.Š. "Cazin II". Predstavnici pomenutih aktera lično će obići područne škole i podijeliti po 4 lopte iz svakog od loptačkih sportova. Na ovaj način će moći provjeriti i postojeću opremu koju škole posjeduju i razgovarati o problemima i potrebama na koje nailaze profesori tjelesnog odgoja u svom radu.

Ovakve aktivnosti predstavljaju potvrdu kontinuirane podrške Sportskog saveza mladima i omladinskom sportu. U tu svrhu Društvo pedagoga, u saradnji sa Sportskim savezom, organizira takmičenje u malom nogometu i atletici za učenike do V razreda osnovne škole u mjesecu junu.



Košarkaški turnir veterana u Cazinu

Međunarodi turnir košarkaških veterana „Cazin 2010“, bio je povod za prijem koji je u kabinetu općinskog načelnika upriličen za predstavnike ekipa, učesnika turnira.

Ovaj turnir sada već ima tradicionalan karakter i postao je prepoznatljiv i van granica Bosne i Hercegovine. To pokazuje i broj učesnika koji se iz godine u godinu povećava. Prema riječima gospodina Sauda



Terzića, direktora ovogodišnjeg turnira, ukupno se prijavilo 76 ekipa, ali je samo 29 prihvaćeno za učešće. „Sve organizacione pripreme su na vrijeme završene, ali na žalost tehnički kapaciteti ne dozvoljavaju veći broj učesnika. Svake godine bilježimo veći interes i učešće, tako da smo ove godine prvi put dobili i tri ekipe u ženskoj kategoriji“, naglasio je gospodin Terzić.

Predstavnici ekipa koje dolaze iz Bosne i Hercegovine, ali i susjednih država Hrvatske, Slovenije, Srbije i Crne Gore, izrazili su zadovoljstvo boravkom u Cazinu i učešćem na uspješno organizovanom turniru, koji se ubraja među najmasovnije na ovim prostorima.

U ime načelnika Ogrješevića dobrošlicu gostima su izrazili savjetnici, gospoda Suad Rošić i Hamdija Ljubijankić. Iskorištena je prilika da se gostima u kratkoj prezentaciji pokažu osnovne karakteristike i potencijali općine Cazin i naglašeno da se ovakvi susreti trebaju iskoristiti kao inicijalni i za druge vidove saradnje, u sportu ili između lokalnih zajednica iz kojih dolaze ovi sportski kolektivi.



Malonogometni turnir "Djeca Bosne"

Krajem februara je u našoj općini održan humanitarni malonogometni turnir pod nazivom "Djeca Bosne". Riječ je o dječijem malonogometnom turniru u dvije kategorije uzrasta 1997/1998 i 1999/2000 godište.

"Cilj ove manifestacije je podrška razvoju omladinskog sporta i uključivanje djece u sportske kolektive naše općine, ali i povezivanje sa dijasporom. U narednom periodu planira se uključiti veći broj ekipa iz naše zemlje, ali i okruženja, kako bi i ovoj aktivnosti dali jednu značajnu internacionalnu dimenziju", riječi su načelnika Ogrševića koji je ujedno i otvorio ovaj turnir.

Na turniru je učestvovalo 14 ekipa iz Cazina, Bosanske Krupe, Bužima, Bihaća i Linza. Organizatori turnira su Sportski savez općine Cazin i FC "Bosna" iz Linza koja je na ovom turniru učestvovala sa 2 ekipe. Početak turnira obilježen je plesnim programom članica plesnog studija "Enigma", koji su svojim mladim, ali vrlo uspješnim plesačima pokazali da je omladinski sport u našoj općini na vrlo visokoj razini. U kategoriji 1997/1998 godište nagradu za najboljeg golmana odnio je Puškar Samir iz "Krajine", a titula najboljeg igrača pripala je Čataković Hamzi iz kluba "Mladost" Polje. Starija kategorija je također imala najboljeg igrača i golmana, a njihova imena su Dumo

Idriz iz kluba "Bosna" Linz i Čeliković Jasmin, član kluba "Kolibri" Bihać.

"Posebno je važno naglasiti humanitarni karakter ovog turnira, jer će svojim skromnim učešćem ekipe ovog turnira obradovati djecu nekoliko socijalno ugroženih porodica na području naše općine. Također se možemo pohvaliti dobrom organizacijom, kvalitetnim odazivom ekipa i igrača, ali i velikom posjetom naših suorganizatora iz Linza", naglasio je Emir Dautović predsjednik Sportskog saveza općine Cazin.



Izveštajna skupština Crvenog križa

U Domu kulture je održana godišnja skupština Crvenog križa općine Cazin. Na samom početku izvršen je izbor radnih tijela, neophodnih za održavanje Skupštine, nakon čega se pristupilo razmatranju predloženih tačaka dnevnog reda.

Članove skupštine i prisutne goste je u ime općinskog načelnika pozdravio njegov savjetnik, Hamdija Ljubijankić. Između ostalog gospodin Ljubijankić je rekao: "Crveni križ kao međunarodna humanitarna organizacija zauzima značajno mjesto u svakoj sredini sa svojim aktivnostima i zbog toga je neophodno uložiti dodatne napore na širenju svijesti društvene zajednice o značaju projekata koje realizira ova organizacija. Također je važno širiti mrežu volontera koji će nesebično i kontinuirano učestvovati u akcijama Crvenog križa." U nastavku sjednice razmatrani su Izveštaj o radu i Finansijski izvještaj za 2009.godinu, kao i planska dokumenta za tekuću 2010.godinu. Konstatirano je da su realizirane sve planirane aktivnosti i pored toga što su prihodi bili znatno niži, a što je svakako rezultat sveopće ekonomske krize.

Posebno su izdvojene akcije dobrovoljnih davaoca krvi koje se već kontinuirano organiziraju na području općine Cazin. O uspješnosti ovih akcija Crvenog križa govori i činjenica da je njihov član, Mustafa Hadžić, jedan od pet dobitnika zlatne medalje F BiH za višestruke davaoce krvi.



Naglašena je i tradicionalno dobra saradnja sa svim školama na području općine Cazin, kako u humanitarnim akcijama, tako i kroz obuku mladih u pružanju prve pomoći i širenju svijesti o postojanju mina. Uz obilježavanje datuma iz međunarodnog kalendara značajnih datuma, Crveni križ je sproveo kontinuirane akcije pomoći socijalnim kategorijama, ali radio i na kadrovskom osposobljavanju i omasovljavanju članstva Crvenog križa. Istaknuto je i da sve ovo ne bi bilo moguće realizirati bez podrške općine Cazin, velikog broja pojedinaca i privrednih subjekata.

Na kraju Skupštine sva predložena dokumenta su jednoglasno usvojena.

Skupština Udruženja penzionera

U prostorijama Udruženja penzionera općine Cazin održana redovna godišnja sjednica Skupštine Udruženja kojoj je prisustvovao i načelnik Ogrješević. Na Skupštini se raspravljalo o radu ovog udruženja u protekloj godini, finansijskom poslo-

vanju i Programu rada Udruženja za tekuću godinu.

Penzioneri su uputili određena pitanja načelniku općine o svakodnevnim brigama i potrebama njihove populacije i zahvalili se na izuzetno uspješnoj saradnji u proteklom periodu.

Gospodin Ogrješević je pružio podršku općine i organa uprave radu ovog Udruženja. Prema njegovim riječima: "Obaveza je općine Cazin i cijele lokalne zajednice da učestvuju u programima pomoći za naše penzionere. Zbog toga smo i ove godine u budžetu predvidjeli 10.500,00 KM za ovo Udruženje, ali ćemo i na druge načine aktivno učestvovati u realizaciji njihovih projekata. Želja nam je da našim penzionerima učinimo bolju i kvalitetniju svakodnevicu".



Obilježavanje Dana nezavisnosti u Cazinu



Svečanom akademijom u Domu kulture obilježena je 18-ta godišnjica nezavisnosti Bosne i Hercegovine. Referendumska odluka građana da BiH učine nezavisnom državom, prethodila je njenom međunarodnom priznanju, 6. aprila 1992. godine. Zbog toga općina Cazin svake godine slavi i obilježava ovaj datum.

Uvodni referat na svečanosti imao je općinski načelnik Nermin Ogrišević, u kome se osvrnuo na značaj obilježavanja ovog datuma i teškog puta izgradnje savremene Bosne i Hercegovine. "Možemo biti ponosni na naš otpor agresiji kojoj smo bili izloženi. Možemo biti ponosni na dostojanstvenu odbranu, ponosni što se i danas borimo za očuvanje države BiH. Možemo biti ponosni dragi moji sugrađani, što već 18 godina dostojanstveno i prigodno obilježavamo 1. mart", naglasio je načelnik Ogrišević.

U okviru akademije priču o izložbi "Granice i teritorija Bosne i Hercegovine od 1699-1945. godine", postavljenoj u povodu obilježavanja ovog značajnog datuma, ispričao je direktor Arhiva USK-a mr. Fikret Midžić. Prisutnima se obratio i predsjedavajući Skupštine USK-a Admir Hadžipašić osvrćući se na dugogodišnju historiju BiH i ukazao na nezaobilaznu evropsku budućnost BiH. "Evropski put smatram jedinim kojim možemo i moramo ići. Ne zato što će iz Evrope poteći med i mlijeko, nego prije svega zato što ulazak u ujedinjenu Evropu znači prihvatanje seta društvenih vrijednosti, koje će nas nepovratno učiniti demokratskom i civiliziranom državom", riječi su gospodina Hadžipašića.

Potpuni ugođaj ovoj svečanosti dali su članovi ansambla „Lira“, Cazinski tamburaši, mladi članovi plesnog kluba "Enigma", kao i već prepoznatljive igre KUD-a "Hasan Mujezinović", poklanjajući najljepše pjesme, igre i kreacije domovini za njen rođendan.




Godina 2010 / Juni / Broj 5

22

Druženje vatrogasaca iz Cazina i Ljubljane

Vatrogasci općine Cazin boravili su u R Sloveniji na poziv Udruženja profesionalnih vatrogasaca koje je ovom prilikom obilježavalo 15 godina svog postojanja. Boravak naših vatrogasaca u Ljubljani je rezultat prethodno upostavljene saradnje. Radilo se o uzvratnoj posjeti naše delegacije



Udruženju čiji su predstavnici nedavno boravili u Cazinu.

Na svečanom dijelu proslave godišnjice uručene su nagrade i priznanja za postignute uspjehe i uspostavljenu saradnju sa drugim općinama, među kojima je i općina Cazin. Uslijedio je koktel za sve zvanice ovog susreta i razgovor sa Ministricom odbrane Slovenije.

Delegaciju naše općine predvodio je prof. Said Mujić, Pomoćnik načelnika službe za civilnu i protivpožarnu zaštitu. Prema njegovom mišljenju ovakvi kontakti omogućuju našim vatrogascima da stiču znanja i vještine u zemljama EU i da prate razvoj tehnologije u oblasti zaštite i spašavanja.

Narednog dana boravka, naši predstavnici su obišli Vatrogasnu brigadu u Ljubljani i prostorije Udruženja profesionalnih vatrogasaca koje djeluje u okviru državne uprave za zaštitu i spašavanje pri Ministarstvu odbrane R Slovenije.



VII Načelnik odgovara


U ovom broju općinskog biltena donosimo Vam odgovor na pitanje veličine i strukture izdvajanja iz budžeta za socijalne kategorije našeg stanovništva.

Bez obzira na opći pad prihoda, općina Cazin je uredno izvršavala sve obaveze preuzete budžetom. Na dijelu rashoda karakteristično je da su oni realizirani u okviru budžetom odobrenog limita, a da su naročito povećana izdvajanja za infrastrukturu, boračke populacije, tekuće grantove, sport i druga socijalna davanja. Rashodi po krajnjim korisnicima su realizirani u okvirima odobrenih budžetskih sredstava i nije bilo kašnjenja u izvršavanju plaćanja.

Zbog značajnog udjela grantova koji na različite načine subvencioniraju i pomažu

ugrožene kategorije stanovništva, dajemo grafički pregled kretanja osnovnih kategorija socijalnih davanja u periodu od 2006. – 2009. godine u ovom tekstu.

Iz grafičkog prikaza je vidljivo da su izdvajanja za stipendije, za liječenje teško oboljelih, za humanitarne akcije izgradnje kuća te izdvajanja za materijalno socijalnu sigurnost rasla tokom protekle četiri godine. Broj korisnika tekućih grantova pojedincima na području općine Cazin je izuzetno visok, tako da iz sredstava granta pojedincima, neke od vidova pomoći koristi više stotina stanovnika općine Cazin. Sredstva za isplatu osnovnog obezbijedenja učesnika NOR-a koristilo je mjesečno više desetina lica u prethodnim godinama bez prekida u kontinuitetu.



Grafikon pokazuje da općina Cazin uspijeva realizirati dugoročne strateške planove pomoći ugroženim kategorijama stanovništva u našoj lokalnoj zajednici. Ovakav rast izdvajanja moguće je samo uz adekvatno i realno planiranje prihoda i rashoda općinske administracije. Ovi pokazatelji su najveći poticaj za predložene i realizirane projekte, koje će naša općina realizirati i u narednom periodu, a u cilju opće dobrobiti. Svakako je važno naglasiti da ostvarujemo zavidne rezultate u saradnji sa građanima na terenu, koji iniciraju najveći dio ovih projekata i u velikom procentu učestvuju u njihovoj realizaciji. Zbog toga, osjećamo obavezu da intenziviramo saradnju na svim poljima, da pomažemo našim sugrađanima da kreiraju bolje uslove života, da radimo i zajednički gradimo bolju budućnost Cazina.

ARDA
NORTHWEST
Regional economic development strategy
for Northwest BiH economic region

 **Koninkrijk
der Nederlanden**

OSCE Organization for Security and
Co-operation in Europe
Mission to Bosnia and Herzegovina

GAP
Governance Accountability Project
Projekat upravne odgovornosti

 Schweizerische Eidgenossenschaft
Confédération suisse
Confederazione Svizzera
Confederaziun svizra

**Swiss Agency for Development
and Cooperation SDC**

 **Sida**
SWEDISH INTERNATIONAL DEVELOPMENT
COOPERATION AGENCY

 **LIFAD**
International Fund for
Agricultural Development

 **USAID**
OD AMERIČKOG NARODA


**UN
DP**



Tehnički podaci

Izdavač: općina Cazin

Urednik: Irma Alićajić, dipl.pol.

Autorski tim:
Mirhad Pjanić, dipl.ing.maš.
Irma Alićajić, dipl.pol.
Hamdija Ljubijankić, prof.
Suad Rošić, dipl.ecc

Lektor: EVRON d.o.o. Banja Luka
Dizajn: EVRON d.o.o. Banja Luka
Štampa: GRAFIS d.o.o. Cazin